



კანონთა და განკარგულებათა კრებული

ამიერკავკასიის სოციალისტური ფედერაციული საბჭოთა რესპუბლიკის
მუშათა და გლეხთა მთავრობისა.

1930 წლის ოქტომბრის 6.	№ 18 განყოფილება პირველი	ა/კსფსრ სახალხო კომისართა საბჭოს საქმეთა მმართველ- ლობის მიერ გამოცემული.
---------------------------	------------------------------------	---

შ ი ნ ა ა რ ს ი :

დადგენილებანი ამიერკავკასიის ცენტრალური აღმასრულებელი კომიტეტისა და ა/კსფსრ სახალხო კომისართა საბჭოთა.

- მუხ. 187. ა/კსფსრ შრომის კანონთა კოდექსის 47 მუხლის 1-ლი შენიშვნის შეცვლის შესახებ.
- „ 188. სატრანსპორტო საშუალებათა ადგილობრივი გადასახადისაგან საპორტო სამმართველოს მოტორიანი და უმოტორო ნავტორკლების განთავისუფლების შესახებ.

დადგენილებანი ამიერკავკასიის ცენტრალური აღმასრულებელი კომიტეტისა.

- „ 189. სარაიონო აღმასრულებელი კომიტეტის შრომისა და სოციალური უზრუნველყოფის ინსპექტორის ჯამაგირის განაკვეთის შესახებ.
- „ 190. ოლქების ლიკვიდაციასთან დაკავშირებით შრომისა და სოციალური დაზღვევის ორგანოების სტრუქტურის შეცვლის შესახებ.
- „ 191. სომხეთის სსრ-ში დუზენდის რაიონის გაუქმების შესახებ.
- „ 192. ამიერკავკასიის რკინის გზების აღმოსავლეთ-უბნის მოსამსახურეების მიერ თურქული ენის სავალდებულო შესწავლის შესახებ.
- „ 193. ა/კსფსრ ფინანსთა სახალხო კომისრის მოადგილის თანამდებობისაგან აზხ. ნიკოლოზ პავლეს ძე კურსელის განთავისუფლებისა და ა/კსფსრ ვაჭრობის სახალხო კომისრის მოადგილედ დანიშვნის შესახებ.
- „ 194. ა/კსფსრ მიწათმოქმედების სახალხო კომისრის მოადგილედ აზხ. ჰეიდარ ვიზიროვის დანიშვნის შესახებ.

დადგენილებანი ა/კსფსრ სახალხო კომისართა საბჭოთა.

- „ 195. ა/კსფსრ სახალხო კომისართა საბჭოთა სავალდებულო დაწესებულებების სწავლების შემომღები ამიერკავკასიის კომიტეტის მოწოდების შესახებ.
- „ 196. შინამრეწველობასა და სახელმწიფო რეწობაში მყოფი შეგირდების ზღვრული ასაკის შესახებ.



188. სატრანსპორტო საშუალებათა ადგილობრივი გადასახადისაგან საპორტო სამმართველოს მოტორიანი და უმოტორო ნავჭურჭლების განთავისუფლების შესახებ.

ამიერკავკასიის ცენტრალური აღმასრულებელი კომიტეტი და ა/კსფსრ სახალხო კომისართა საბჭო ადგენენ:

წინადადება მიეცეს ა/კსფსრ შედგენილობაში შემავალი რესპუბლიკების ცენტრალურ აღმასრულებელ კომიტეტებს—ა/კსფსრ ადგილობრივი ფინანსების დებულების (ა/კსფსრ კან. კრ. 1926 წ. მე-8 №-რი, მუხ. 697) 57 მუხლის წესი-წამებრ, ადგილობრივი საბჭოებისათვის ადგილობრივ სახსართა გასაძლიერებლად სატრანსპორტო საშუალებებზე გადასახადის დაწესებისა და გადახდევინების უფლების მინიჭების დროს, გაანთავისუფლონ ხოლმე ამ გადასახადისაგან საპორტო სამმართველოების სამსახურებრივი დანიშნულების მოტორიანი და უმოტორო ნავჭურჭლები, უკეთუ ეს ნავჭურჭლები გამოიყენება არა კომერციული მიზნით, არამედ მარტოოდენ პორტის საჭიროებათათვის მომსახურების გასაწევად.

ამიერკავკასიის ცენტრალური აღმასრულებელი
კომიტეტის თავმჯდომარე **მ. ცხაკაია.**

ა/კსფსრ სახალხო კომისართა საბჭოს
თავმჯდომარის მოადგილე **მ. ეგაიზარიანი.**

ამიერკავკასიის ცენტრალური აღმასრულებელი
კომიტეტის მდივანი **ა. შავერდოვი.**

1930 წ. სექტემბრის 22.

ტიფლისი-სასახლე.

დადგენილებანი ამიერკავკასიის ცენტრალური აღმასრულებელი კომიტეტისა.

189. სარაიონო აღმასრულებელი კომიტეტის შრომის და სოციალური უზრუნველყოფის ინსპექტორის ჯამაგარის განაკვეთის შესახებ.

ამიერკავკასიის ცენტრალური აღმასრულებელი კომიტეტი ადგენს:

„ა/კსფსრ-ში ოლქების ლიკვიდაციასთან დაკავშირებით რაიონების ორგანიზაციის ძირითადი პრინციპების შესახებ“ გამოცემული ამიერკავკასიის ცენტრალური აღმასრულებელი კომიტეტის 1930 წ. აგვისტოს 28-ის დადგენილების მე-12 მუხლის შესაცვლელად (ა/კსფსრ კან. კრ. 1930 წ. მე-16 №-ი, მუხ. 178)—სოციალურ-კულტურული განყოფილების შედგენილობიდან გამოყოფილ იქნეს შრომისა და სოციალური უზრუნველყოფის ინსპექტორი და იგი უშუალოდ



დაექვემდებაროს სარაიონო აღმასრულებელი კომიტეტის პრეზიდიუმს. მას დაე-
ნიშნოს ჯამაგირის შემდეგი განაკვეთები:

I-ლი კატეგორიის რაიონში	125 მან.
მე-II " "	140 "
მე-III " "	170 "

ამიერკავკასიის ცენტრალური აღმასრულებელი
კომიტეტის თავმჯდომარე მ. ცხაკაია.

ამიერკავკასიის ცენტრალური აღმასრულებელი
კომიტეტის მდივანი ა. შავერდოვი.

1930 წ. სექტემბრის 22.

ტფილისი-სახსხლე.

გამოქვეყნებულია „ზარია ვოსტოკა“-ს 263 №.ში 1930 წ. სექტემბრის 29-ს.

190. ოლქების ლიკვიდაციასთან დაკავშირებით შრომისა და სო- ციალური დაზღვევის ორგანოების სტრუქტურის შეცვლის შესახებ.

ამიერკავკასიის ცენტრალური აღმასრულებელი კომიტეტი ადგენს:

1. ქალ. ტფილისსა, ბაქოს და ერევანში საქალაქო საბჭოებთან შრომის
დამოუკიდებელი განყოფილებანი არ უნდა იქნეს მოწყობილი და ამ განყოფი-
ლებათა ფუნქციები უნდა დაეკისროს ა/კსფსრ შედგენილობაში შემავალი რეს-
პუბლიკების შრომის სახალხო კომისარიატებს—კუთვნილებისამებრ.

2. დამოუკიდებელი საბჭოების მქონე ქალაქებში: ქუთაისსა, ფოთსა, გან-
ჯასა, ნუხსა და ლენინაკანში საქალაქო საბჭოებთან მოეწყოს, სახელმწიფო ბიუ-
ჯეტის ხარჯით, შრომის საქალაქო განყოფილებანი.

3. სავალდებულოდ იქნეს ცნობილი, რათა სოფლად შრომის საკითხებისა-
თვის საჭირო მუშაობა დაეკისროს სასოფლო საბჭოს ერთ-ერთ წევრს.

4. მოეწყოს სოციალური დაზღვევის საღაროები ისეთ რაიონებში, სადაც
დაზღვეულთა რიცხვი 3.000 კაცს აღემატება.

სხვა რაიონებში სოციალურ დაზღვევას განახორციელებს სარაიონო დამ-
ზღვევი ბიურო.

5. ადგილობრივი მამგროვებელი აპარატი დაექვემდებაროს შრომის ორ-
განოს მისი სამყოფელი ადგილის მიხედვით უწყებულ რაიონში.

6. შრომისა და სოციალური უზრუნველყოფის ინსპექტორები დაექვემდებ-
ბარნენ უშუალოდ სარაიონო აღმასრულებელი კომიტეტების პრეზიდიუმებს.

7. წინადადება მიეცეს ა/კსფსრ შრომის სახალხო კომისარიატს:

ა) გააძლიეროს ა/კსფსრ შედგენილობაში შემავალი რესპუბლიკების შრო-
მის სახალხო კომისარიატების სასანიტარო-სატეხნიკო ინსპექცია რესპუბლიკე-
ბის ყველა სამრეწველო საწარმოსათვის მომსახურეობის გასაწევად;



ბ) ის პირნი, რომელთაც დაამთავრეს ა/კსფსრ შრომის სახალხო კომისარიატთან არსებული კურსები შრომის დარგში მომუშავეთა გარდაკვალიფიცირებისა და გარდამზადებისათვის, დაუყოვნებლივ წარგზავნონ რაიონებში სამუშაოდ;

გ) მოაწყონ ა/კსფსრ შედგენილობაში შემაჯავალ რესპუბლიკებში მოკლევადიანი კურსები რაიონებისათვის შრომის დარგში მომუშავეთა მოსამზადებლად;

დ) გააძლიერონ ინსტრუქტირება და ხელმძღვანელობის გაწევა ადგილებზე ოლქების ლიკვიდაციასთან დაკავშირებით შრომის ორგანოების რეორგანიზაციის ჩატარებისათვის წარმოებულ მუშაობაში.

8. წინადადება მიეცეს ა/კსფსრ შედგენილობაში შემაჯავალი რესპუბლიკების ცენტრალურ აღმასრულებელ კომიტეტებს შეუთანხმონ თავიანთი კანონმდებლობა ამა დადგენილებას.

ამიერკავკასიის ცენტრალური აღმასრულებელი
კომიტეტის თავმჯდომარე მ. ცხაკაია.

ამიერკავკასიის ცენტრალური აღმასრულებელი
კომიტეტის მდივანი ა. შავერდოვი.

1930 წ. სექტემბრის 22.

ტფილისი—სასახლე.

გამოქვეყნებულია „ზარია ვოსტოკა“-ს 263 №-ში 1930 წ. სექტემბრის 29-ს.

191. სომხეთის სსრ-ში დუზენდის რაიონის გაუქმების შესახებ,

„ა/კსფსრ-ში ოლქების ლიკვიდაციასთან დაკავშირებით რაიონების ორგანიზაციის ძირითადი პრინციპების შესახებ“ გამოცემული ამიერკავკასიის ცენტრალური აღმასრულებელი კომიტეტის 1930 წ. აგვისტოს 28-ის დადგენილების დასამატებლად (ა/კსფსრ კან. კრ. 1930 წ. მე-16 № ი, მუხ. 178)—ამიერკავკასიის ცენტრალური აღმასრულებელი კომიტეტი ადგენს:

ოლქების ლიკვიდაციასთან დაკავშირებით დამტკიცებულ იქნეს სომხეთის სსრ-ის მთავრობის დადგენილება დუზენდის რაიონის გაუქმებისა და მისი ლენინაკანის საქალაქო საბჭოს საზღვრებში მოთავსების შესახებ.

ამიერკავკასიის ცენტრალური აღმასრულებელი
კომიტეტის თავმჯდომარე მ. ცხაკაია.

ამიერკავკასიის ცენტრალური აღმასრულებელი
კომიტეტის მდივანი ა. შავერდოვი.

1930 წ. სექტემბრის 22.

ტფილისი—სასახლე.

გამოქვეყნებულია „ზარია ვოსტოკა“-ს 263 №-ში 1930 წ. სექტემბრის 29-ს

192. ამიერკავკასიის რკინის გზების აღმოსავლეთ-უბნის მოსამსახურეების მიერ თურქული ენის სავალდებულო შესწავლის შესახებ.

ამიერკავკასიის ცენტრალური აღმასრულებელი კომიტეტი ადგენს:

1. წინადადება მიეცეს ამიერკავკასიის რკინის გზების დირექციას გადაიტანოს ორი წლის განმავლობაში აზერბაიჯანის სსრ-ის ფარგლებში მთელი სარკინისგზო საქმისწარმოება თურქულ ენაზე.

2. მიენდოს ამიერკავკასიის რკინის გზების დირექციას—ამა დადგენილების განსახორციელებლად: ა) მოაწყოს სათანადო კურსები იმ რკინისგზელთათვის, რომელთაც თურქული ენა არ იცინა; ბ) უზრუნველჰყოს ორი წლის ვადის გასვლისას საქირო კადრები შტატების ისეთი მომუშავეებით შესავსებად, რომელთაც თურქული ენა ეცოდინებათ.

ამიერკავკასიის ცენტრალური აღმასრულებელი
კომიტეტის თავმჯდომარე **მ. ცხაკაია.**

ამიერკავკასიის ცენტრალური აღმასრულებელი
კომიტეტის მდივანი **ა. შავერდოვი.**

1930 წ. სექტემბრის 22.

ტფილისი-სასახლე.

გამოქვეყნებულია „ზარია ვოსტოკა“-ს 267 №-ში 1930 წ. ოქტომბრის 3-ს.

193. ა/კსფსრ ფინანსთა სახალხო კომისრის მოადგილის თანამდებობისაგან ამხ. ნიკოლოზ პავლეს-ძე კურსელის განთავისუფლებისა და ა/კსფსრ ვაჭრობის სახალხო კომისრის მოადგილედ დანიშვნის შესახებ.

ამიერკავკასიის ცენტრალური აღმასრულებელი კომიტეტი ადგენს:

1. განთავისუფლებულ იქნეს ამხ. ნიკოლოზ პავლეს ძე კურსელი ა/კსფსრ ფინანსთა სახალხო კომისრის მოადგილის თანამდებობისაგან სხვა სამუშაოზე გადასვლის გამო.

2. ამხ. ნიკოლოზ პავლეს-ძე კურსელი დანიშნულ იქნეს ა/კსფსრ ვაჭრობის სახალხო კომისრის მოადგილედ.

ამიერკავკასიის ცენტრალური აღმასრულებელი
კომიტეტის თავმჯდომარე **მ. ცხაკაია.**

ამიერკავკასიის ცენტრალური აღმასრულებელი
კომიტეტის მდივანი **ა. შავერდოვი.**

1930 წ. სექტემბრის 30.

ტფილისი-სასახლე.

გამოქვეყნებულია „ზარია ვოსტოკა“-ს 266 №-ში 1930 წ. ოქტომბრის 2-ს.



194. ა/კსფსრ მიწათმოქმედების სახალხო კომისრის მოადგილედ ამხ. ჰეიდარ ვიზიროვის დანიშვნის შესახებ.

ამიერკავკასიის ცენტრალური აღმასრულებელი კომიტეტი ადგენს:
ამხ. ჰეიდარ ვიზიროვი დანიშნულ იქნეს ა/კსფსრ მიწათმოქმედების სა-
ხალხო კომისრის მოადგილედ.

ამიერკავკასიის ცენტრალური აღმასრულებელი
კომიტეტის თავმჯდომარე მ. ცხაკაია.

ამიერკავკასიის ცენტრალური აღმასრულებელი
კომიტეტის მდივანი ა. შავერდოვი.

1930 წ. სექტემბრის 30.

ტფილისი-სასახლე.

გამოქვეყნებულია „ზარია ვოსტოკა“-ს 266 №-ში 1930 წ. ოქტომბრის 2-ს.

დადგენილებანი ა/კსფსრ სახალხო კომისართა საბჭოსნი.

№ 281.

195. ა/კსფსრ სახალხო კომისართა საბჭოსთან საყოველთაო სა- ვალდებულო დაწყებითი სწავლების შემომღები ამიერკავკა- სიის კომიტეტის მოწყობის შესახებ.

ა/კსფსრ სახალხო კომისართა საბჭო ადგენს:

1. ა/კსფსრ სახალხო კომისართა საბჭოსთან მოწყობილ იქნეს საყოველთაო
სავალდებულო დაწყებითი სწავლების შემომღები ამიერკავკასიის კომიტეტი.

2. დამტკიცებულ იქნეს საყოველთაო სავალდებულო დაწყებითი სწავ-
ლების შემომღები ამიერკავკასიის კომიტეტის ქვემომღებნო შედგენილობა:
ამხანაგნი ა. ბეგზადიანი—თავმჯდომარე (ა/კსფსრ სახალხო კომისართა საბჭოსა-
გან), ს. ფირუმოვი—მოადგილე (ა/კ. სახ. საგემო კომის.), ახუნდ-ზადე (ა/კ.
ალკკ), გ. ყურულაშვილი (ა/კ. სმუს), მიხა ცხაკაია (ა/კ. ცენ. აღმ. კომ.), ფ. მა-
ხარაძე (საქ. სსრ სახ. კომ. საბჭო), დ. ბუნიათ-ზადე (აზერ. სსრ სახ. კომ. საბჭო),
ტერ-გაბრიელიანი (სომხ. სსრ სახ. კომ. საბჭო), დედეღარიანი საქ. სსრ განათლ. სახ.
კომის.), ალა-სულთანოვი (აზერ. სსრ განათლ. სახ. კომის.), ეგიაზაროვი (სომხ.
სსრ განათლ. სახ. კომის.), მამია ორახელაშვილი („ზარია ვოსტოკა“), იზმაი-
ლოვი (სრულ. საკავ. კომ. პარ. (ბ) ა/კ. საოლ. კომ. კულ.-განათლ. განყ.), ალამა-
ლიანი (სრულ. საკავ. კომ. პარ. (ბ) ა/კ. საოლქო კომ. მასს. აგიტ. განყ.), რაჰი-
მოვი (ა/კ. შრ. სახ. კ-ტი), ავისი (მთ. სამებ. კომიტ. ა/კ. რწმუნ.—ა/კ. მიწათ-
მოქმედ. სახ. კ-ტი), აქიმოვი (ა/კ. მომხ. კოოპ. ამხ. კავშ.), კუზნეცოვი (ა/კ.
პრ. კავშ. საბჭო), შავერდოვა (ა/კ. მუშ. და გლ. ინსპ.), მირკადიროვა (ა/კ. სა-

ოლქო კომ. მასს. აგიტ. განყ.), იბპო (კავ. წითელდროშ, არმია); დაველოს კომიტეტს შვიმუშაოს და წარმოუდგინოს დასამტკიცებლად ა/კსფსრ სახალხო კომისართა საბჭოს საყოველთაო საველდებულო დაწყებითი სწავლების შემომღები კომიტეტის დებულების პროექტი.

ა/კსფსრ სახალხო კომისართა საბჭოს
თავმჯდომარის მოადგილე მ. ეგიაზარიანი.

ა/კსფსრ სახალხო კომისართა საბჭოს
საქმეთა მმართველის თან. დრ. აღმას. ა. ბანოვიჩი.

1930 წ. სექტემბრის 18.

ტფილისი-სასახლე.

გამოქვეყნებულია „ზარია ვოსტოკა“-ს 255 №-ში 1930 წ. სექტემბრის 21-ს.

№ 282.

196. შინამრეწველობასა და სახელოსნო რეწაობაში მყოფი შეგირდების ზღვრული ასაკის შესახებ.

სსრკ-ის ცენტრალური აღმასრულებელი კომიტეტისა და სახალხო კომისართა საბჭოს მიერ 1930 წლის სექტემბრის 2-ს დამტკიცებული „კერძო საწარმოთა და სარეწაოთა სარეწაო გადასახადის დებულების“ 1-ლი დანართის მე-3 შენიშვნის თანახმად („სსრკ ცენ. აღმ. კ-ტისა და სახ. კ-თა საბჭოს იზვესტია“-ს 249 №-ი 1930 წ. სექტემბრის 9-სა)—ა/კსფსრ სახალხო კომისართა საბჭო აღდგენს:

1. დაწესებულ იქნეს იმ შეგირდებისათვის, რომელნიც შინამრეწველობისა და ხელოსნობის სარეწაოების დაბეგრის დროს დაქირავებულ მუშათა შორის არ ჩაირიცხებიან, ზღვრულ ასაკად—20 წელი.

2. დადგენილება ესე სამოქმედოდ შემოღებულ იქნეს 1930 წლის ოქტომბრის 1-დან.

ა/კსფსრ სახალხო კომისართა საბჭოს
თავმჯდომარის მოადგილე მ. ეგიაზარიანი.

ა/კსფსრ სახალხო კომისართა საბჭოს
საქმეთა მმართველის თან. დრ. აღმ. ა. ბანოვიჩი.

1930 წ. სექტემბრის 24.

ტფილისი-სასახლე.

გამოქვეყნებულია „ზარია ვოსტოკა“-ს 260 №-ში 1930 წ. სექტემბრის 26-ს.



№ 283.

197. საწარმოთა და შინამრეწველობისა და ხელოსნობის სარეწაო-თათვის სარეწაო გადასახადის მტკიცე განაკვეთების დაწესების შესახებ.

სსრკ-ის ცენტრალური აღმასრულებელი კომიტეტისა და სახალხო კომისართა საბჭოს მიერ 1930 წ. სექტემბრის 2-ს დამტკიცებული „კერძო საწარმოთა და სარეწაოთა სარეწაო გადასახადის დებულების“ მე-5 მუხლის თანახმად („სსრკ ცენ. აღმ. კ.ტისა და სახ. კ-თა საბჭოს იზვესტია“-ს 249 №-ი 1930 წ. სექტემბრის 9-სა)—ა/კსფსრ სახალხო კომისართა საბჭო ადგენს:

1. დაწესებულ იქნეს შემდეგი განრიგება ადგილებისა და სარეწაო გადასახადის მტკიცე განაკვეთებისა:
სარეწაო გადასახადის მტკიცე განაკვეთების განრიგება ა/კსფსრ სხვადასხვა ადგილებისათვის:

ადგილების კლასები	გადასახადის წლიური განაკვეთები მანეთობით.					
	I	II	III	IV	V	VI
	კატეგ.	კატეგ.	კატეგ.	კატეგ.	კატეგ.	კატეგ.
1. ქ. ტფლისი და ბაქო—რეწაობის რაიონებითა და გარეთუბნებით .	24	64	96	192	500	700
2. ქ. ბათუმი, განჯა, ქუთაისი, ლენინკანი, სოხუმი და ერვიანი . .	18	48	72	144	375	550
3. სხვა ქალაქები)	12	32	48	96	250	425
4. ყველა სხვა ადგილი	6	16	24	48	125	300

2. დადგენილება ესე შემოღებულ იქნეს სამოქმედოდ 1930 წ. ოქტომბრის 1-დან.

3. ამა დადგენილების სამოქმედოდ შემოღებისათანავე გაუქმებულ იქნეს ა/კსფსრ სახალხო კომისართა საბჭოს შემდეგი დადგენილებანი:

ა) 1930 წ. მარტის 28-სა „პირადი რეწაობის დაზვერვისათვის სახელმწიფო სარეწაო გადასახადის მტკიცე განაკვეთების დაწესების შესახებ“ (ა/კსფსრ კან. კრ. 1930 წ. მე-7 №-ი, მუხ. 88);

ბ) მე-3 და მე-4 მუხლები 1930 წ. ივნისის 27-ის დადგენილებისა „შინამრეწველობისა და სარეწაო კოოპერაციის თაობაზე გამოცემული სსრკ-ის სახალხო კომისართა საბჭოს 1930 წ. ივნისის 2-ის დადგენილების განხორციელების შესახებ“ (ა/კსფსრ კან. კრ. 1930 წ. მე-13 №-ი, მუხ. 151).

ა/კსფსრ სახალხო კომისართა საბჭოს
თავმჯდომარის მოადგილე **მ. ეგიაზარიანი.**

ა/კსფსრ სახალხო კომისართა საბჭოს
საქმეთა მმართველის თან. დრ. აღმ. ა. **ბანოვიჩი.**

1930 წ. სექტემბრის 24.

ტფლისი-სასახლე.

გამოქვეყნებულია „ზარია ვოსტოკა“-ს 260 №-ში 1930 წ. სექტემბრის 26-ს.

№ 284.

198. ა/კსფსრ მიწათმოქმედების სახალხო კომისარიატის კოლეგიის შესახებ.

ა/კსფსრ სახალხო კომისართა საბჭო აღგენს:

ა/კსფსრ სახალხო კომისარიატის კოლეგია დამტკიცებულ იქნეს შემდეგი შედგენილობით: ამხანაგნი ჯუღელი (სახალხო კომისარი), ვეზროვი (1-ლი მოადგილე), ავისი (მე-2 მოადგილე), კოლეგიის წევრნი: ამხანაგნი ალანია, ელია-შვილი, ა. ვართაპეტოვი, ხუნდაძე, ბირიუშევი და კალატაოვი.

ა/კსფსრ სახალხო კომისართა საბჭოს
თავმჯდომარის მოადგილე მ. ეგიაზირიანი.

ა/კსფსრ სახალხო კომისართა საბჭოს
საქმეთა მმართველის თან. დრ. აღმ. ა. ბანოვიჩი.

1930 წ. სექტემბრის 18.

ტფილისი-სასახლე.

გამოქვეყნებულია „ზარია ვოსტოკა“-ს 262 №-ში 1930 წ. სექტემბრის 28-ს.

№ 287.

199. ა/კსფსრ მიწათმოქმედების სახალხო კომისარიატის კოლეგიის შესახებ.

ა/კსფსრ სახალხო კომისართა საბჭო აღგენს:

ა/კსფსრ მიწათმოქმედების სახალხო კომისარიატის კოლეგიის წევრთა შედგენილობაში ჩარიცხულ იქნეს ანხ. ა. სალარიძე.

ა/კსფსრ სახალხო კომისართა საბჭოს
თავმჯდომარის მოადგილე მ. ეგიაზირიანი.

ა/კსფსრ სახალხო კომისართა საბჭოს
საქმეთა მმართველის თან. დრ. აღმ. ა. ბანოვიჩი.

1930 წ. სექტემბრის 28.

ტფილისი-სასახლე.

გამოქვეყნებულია „ზარია ვოსტოკა“-ს 267 №-ში 1930 წ. ოქტომბრის 3-ს.



№ 288.

200. სამეურნეო წელიწადის იანვრის 1-თვის გადატანისა და საკონტროლო ციფრების გადამუშავებისათვის საჭირო ღირებულებების შესახებ.

ა/კსფსრ სახალხო კომისართა საბჭო ადგენს:

1. სამეურნეო წელიწადის იანვრის 1-თვის გადატანასთან დაკავშირებით დაუყოვნებლივ დაწყებულ იქნეს 1931 წლის საკონტროლო ციფრების შედგენა.

2. ა/კსფსრ შედგენილობაში შემავალი რესპუბლიკების ყველა უწყებამ და ორგანიზაციამ, აგრეთვე სახელმწიფო საგეგმო კომისიამ მტკიცედ უნდა იხელმძღვანელოს ა/კსფსრ სახელმწიფო საგეგმო კომისიის მიერ დადგენილი წესი, სამუშაოთა პროგრამა, მაჩვენებელთა სისტემა, მეთოდოლოგიური ღირებულებები და ვადები და არავითარი ცვლილება არ მოახდინოს აღნიშნული კომისიის წინასწარი თანხმობის გარეშე.

3. დაევალოს ა/კსფსრ შედგენილობაში შემავალი რესპუბლიკების სახალხო კომისართა საბჭოებს—გადაამუშაონ 1930 წ. რესპუბლიკანური გეგმები ისეთი ვარაუდით, რომ ეს გეგმები წარმოდგენილ იქნეს ა/კსფსრ სახალხო კომისართა საბჭოში და სახელმწიფო საგეგმო კომისიაში არა უგვიანეს ოქტომბრის 15-სა.

4. ა/კსფსრ სახალხო მეურნეობის უმაღლესმა საბჭომ, ა/კსფსრ ვაჭრობის სახალხო კომისარიატმა, ა/კსფსრ მიწათმოქმედების სახალხო კომისარიატმა და ამიერკავკასიის სხვა ცენტრალურმა ორგანიზაციებმა დაავალონ თავიანთ ქვემდებარე დაწესებულებებსა და ორგანიზაციებს წარუდგინონ მათ საკონტროლო ციფრები არა უგვიანეს ოქტომბრის 5-სა და იმავე დროულად ასლები წარმართონ ა/კსფსრ სახელმწიფო საგეგმო კომისიაში.

5. ა/კსფსრ ტერიტორიაზე მოქმედი საკავშირო მნიშვნელობის დაწესებულებანი თავიანთ საკონტროლო ციფრებსა, ყველა თავიანთ საანგარიშო და სხვა მასალას, ა/კსფსრ სახელმწიფო საგეგმო კომისიის მოთხოვნით, წარუდგენენ მას არა უგვიანეს ოქტომბრის 15-სა.

6. წინადადება მიეცეს ა/კსფსრ ფინანსთა სახალხო კომისარიატს ორი დღის ვადაზე წარმოუდგინოს ა/კსფსრ სახალხო კომისართა საბჭოს პროექტი დადგენილებისა ბიუჯეტის და საფინანსო გეგმის შედგენის წესისა და ვადების შესახებ.

7. ა/კსფსრ სახელმწიფო საგეგმო კომისიამ უნდა წარმოუდგინოს ა/კსფსრ სახალხო კომისართა საბჭოს განსახილველად ა/კსფსრ სახალხო მეურნეობის 1931 წ. საკონტროლო ციფრების პროექტი 1930 წ. ოქტომბრის 25-თვის.

ა/კსფსრ სახალხო კომისართა საბჭოს
თავმჯდომარის მოადგილე მ. ეგიაზარიანი.

ა/კსფსრ სახალხო კომისართა საბჭოს
საქმეთა მმართველის თან. დრ. აღმ. ა. ბანოვიჩი.

1930 წ. სექტემბრის 24.

ტფილისი-სასახლე.

გამოქვეყნებულია „ზარია ვოსტოკა“-ს 265 №-ში 1930 წ. ოქტომბრის 1-ს.

№ 289.

201. ა/კსფსრ 1931 წლის ერთიანი სახელმწიფო ბიუჯეტისა და ერთიანი საფინანსო გეგმის შედგენისა და განხილვის წესის და ვადების შესახებ.

სამეურნეო წელიწადის დასაწყისის იანვრის 1-თვის გადატანასთან დაკავშირებით ა/კსფსრ სახალხო კომისართა საბჭო ადგენს:

დაწესებულ იქნეს შემდეგი ვადები ა/კსფსრ 1931 წლის ერთიანი სახელმწიფო ბიუჯეტის და ერთიანი საფინანსო გეგმის შედგენისა და განხილვისათვის.

I. ა/კსფსრ ერთიანი სახელმწიფო ბიუჯეტისათვის.

1. ა/კსფსრ შედგენილობაში შემავალი რესპუბლიკების სახელმწიფო ბიუჯეტები წარიდგინება ა/კსფსრ სახალხო კომისართა საბჭოში, ხოლო ამ ბიუჯეტების ასლები — ა/კსფსრ ფინანსთა სახალხო კომისარიატში, არა უგვიანეს 1930 წ. ოქტომბრის 17-სა.

2. საერთო-ფედერატიული ბიუჯეტით დასაფინანსებელი უწყებებისა და დაწესებულებების ხარჯთაღრიცხვები წარიდგინება ა/კსფსრ ფინანსთა სახალხო კომისარიატში არა უგვიანეს 1930 წ. ოქტომბრის 12-სა.

3. ა/კსფსრ ერთიანი სახელმწიფო ბიუჯეტის პროექტს ა/კსფსრ ფინანსთა სახალხო კომისარიატი წარადგენს ა/კსფსრ სახალხო კომისართა საბჭოში, ხოლო ასლს ა/კსფსრ სახელმწიფო საგეგმო კომისიაში არა უგვიანეს 1930 წ. ოქტომბრის 23-სა.

ა/კსფსრ სახელმწიფო საგეგმო კომისია თავის დასკვნას აღნიშნული ბიუჯეტის პროექტის შესახებ წარუდგენს ა/კსფსრ სახალხო კომისართა საბჭოს ოქტომბრის 25 ს.

II. ა/კსფსრ ერთიანი საფინანსო გეგმისათვის.

1. რათა ა/კსფსრ ერთიანი საფინანსო გეგმა თავის დროზე იქნეს შედგენილი, ა/კსფსრ სათანადო უწყებებმა და ორგანიზაციებმა უნდა წარუდგინონ ა/კსფსრ ფინანსთა სახალხო კომისარიატს ოქტომბრის 12-თვის ა/კსფსრ საფინანსო გეგმის შედგენილობაში მოსათავსებელი საფინანსო გეგმები.

2. ა/კსფსრ შედგენილობაში შემავალი რესპუბლიკების ფინანსთა სახალხო კომისარიატები წარუდგენენ ა/კსფსრ ფინანსთა სახალხო კომისარიატს ამ რესპუბლიკების ჯგუფობიის საფინანსო გეგმებს 1930 წ. ოქტომბრის 17-თვის.

3. მრეწველობისა და ელექტრო მეურნეობის გრძელვადიანი დაკრედიტების ბანკის რწმუნებული, სრულიად საკავშირო სასოფლო-სამეურნეო კოოპერატიული-საკომეურნეო ბანკის ამიერკავკასიის კონტორა, აზერბაიჯანის სსრ-ისა, სომხეთის სსრ-ისა და საქართველოს სსრ-ის კომუნალური ბანკები წარადგენენ თავიანთ საფინანსო საკრედიტო გეგმებს სსრკ-ის სახელმწიფო ბანკის ამიერკავკასიის სამხარეო კონტორაში, ხოლო ასლებს ა/კსფსრ ფინანსთა სახალხო კო-



მისარიტში და ა/კფსრ შედგენილობაში შემავალი რესპუბლიკების ფინანსთა სახალხო კომისარიტებში ოქტომბრის 12 თვის. სახელმწიფო ბანკის ამიერკავკასიის კონტორა შეადგენს ა/კფსრ ჯუმლობითის საკრედიტო გეგმას და წარადგენს მას ა/კფსრ ფინანსთა სახალხო კომისარიტში 1930 წლის ოქტომბრის 17-თვის.

4. ა/კფსრ ტერიტორიზე მომქმედი საერთო-საკავშირო უწყებები, დაწესებულებები და ორგანიზაციები თავიანთ საფინანსო გეგმებზე წარადგენენ ა/კფსრ ფინანსთა სახალხო კომისარიტში 1930 წ. ოქტომბრის 12-თვის.

5. ა/კფსრ ერთიანი საფინანსო გეგმის პროექტს ა/კფსრ ფინანსთა სახალხო კომისარიტი წარუდგენს ა/კფსრ სახალხო კომისართა საბჭოს და ა/კფსრ სახელმწიფო საგეგმო კომისიას 1930 წ. ოქტომბრის 23-თვის. ა/კფსრ სახელმწიფო საგეგმო კომისია თავის დასკვნას ერთიანი საფინანსო გეგმის პროექტის შესახებ წარადგენს ა/კფსრ სახალხო კომისართა საბჭოში - ა/კფსრ სახალხო მკურნეობის საკონტროლო ციფრებთან ერთად—1930 წ. ოქტომბრის 25-თვის.

III. ა/კფსრ ერთიანი სახელმწიფო ბიუჯეტი და ა/კფსრ ერთიანი საფინანსო გეგმა შეიდგინება და განიხილება ა/კფსრ სახალხო კომისართა საბჭოს 1930 წ. ივნისის 19-ის დადგენილების შესაბამისად (ა/კფსრ კან. კრ. 1930 წ. მე-12 № ი, მუხ. 130 და 136).

IV. ა/კფსრ შედგენილობაში შემავალი რესპუბლიკების სახელმწიფო ბიუჯეტებისა და საფინანსო გეგმების შედგენისა და განხილვის წესი და ვადები განისაზღვრება აღნიშნული რესპუბლიკების კანონმდებლობით ამა დადგენილების საფუძველზე.

V. დადგენილება ესე სამოქმედოდ შემოღებულ იქნეს ტელეგრაფით.

ა/კფსრ სახალხო კომისართა საბჭოს

თავმჯდომარის მოადგილე მ. ეგიაზარიანი.

ა/კფსრ სახალხო კომისართა საბჭოს

საქმეთა მმართველის თან. დრ. აღ. ა. ბანოვიჩი.

1930 წ. სექტემბრის 24.

ტფილისი-სასახლე.

№ 290.

202. შემოდგომის თესვის კამპანიის სამზადისის მიმდინარეობის შესახებ.

ა/კფსრ სახალხო კომისართა საბჭო აღგენს:

I. აღინიშნოს, რომ მიუხედავად საშემოდგომო პურელის თესვის დაწყებისა ა/კფსრ შედგენილობაში შემავალ რესპუბლიკების ზოგიერთ რაიონებში და სრულიად შეზღუდული ვადებისა ამ თესვის საყოველთაოდ გაშლისათვის, აქამდე სამომზადებლო პრაქტიკული ღონისძიებანი თესვისათვის აღცილებზე ხორციელ-

დება შეუწყნარებელი მძიმე ტემპით და ძირითად ღონისძიებათა აღსრულებას ჩაფუშვის საფრთხე მოელის (სექტემბრის 20-თვის ა/კსტსრ საერთო გეგმიდან: თესლი გაწმენდილია—2,4⁰/₀, თესლი დაწამლულია—1,1⁰/₀, დაკონტრაქტებულია ნათესი—29,3⁰/₀ და სხვ.).

ასეთი მდგომარეობა შეიქმნა უმთავრესად იმიტომ, რომ საშემოდგომო თესვის კამპანიის ამოცანები სათანადოდ შეფასებული არ იყო რესპუბლიკანური, სარაიონო და სასოფლო საბჭოთა და საკოლმეურნეო-კოოპერატიული ორგანიზაციების მიერ.

ამ ორგანიზაციებმა არ მოახდინეს სოფლის კოლმეურნეთა, მოჯამაგირეთა, ღარიბთა და საშუალო გლეხთა მასებისა და აგრეთვე სოფლის საზოგადოებრიობის მობილიზაცია თესვის კამპანიის პრაქტიკულ ღონისძიებათა გარშემო და ვერ მოახერხეს ეს კამპანია დაეკავშირებინათ საკოლმეურნეო მშენებლობის შემდგომ განმტკიცებისათვის; აგრეთვე არაუზრუნველჰყვეს ქონებულ ძალთა და სახსართა თავის დროზე და სავსებით გამოყენება.

II. ამისდამიხედვით და რადგანაც აუცილებლად შესრულებულ უნდა იქნეს ყველა დაგეგმვა, რაც კი საშემოდგომო თესვის კამპანიისათვის არის საქირო:

1. წინადადება მიეცეს ა/კსტსრ შედგენილობაში შემაჯავლი რესპუბლიკების სახალხო კომისართა საბჭოებს საშემოდგომო თესვის კამპანიის სამზადისი დაუყოვნებლივ ვადამტანონ დამკვერელ ტემპებზე და სრულიად მოსპონ თესვის სამზადისის მსვლელობასა და გაშლის სფეროში ყველა ელემენტი საქმის თვითდენისა, და სარაიონო და სასოფლო ორგანოების ბიუროკრატიული გულგრილობისა კამპანიის ამოცანებისადმი.

2. რადგანაც ადგილებზე ნათესების კონტრაქტაცია სრულიად არადამაკმაყოფილებლად ვითარდება, ამიერკავკასიის სასოფლო სამეურნეო კოოპერატიულ ამხანაგობათა კავშირმა, სასოფლო სამეურნეო კოოპერაციის რესპუბლიკანურმა სისტემებმა, სარაიონო აღმასრულებელმა კომიტეტებმა და სასოფლო საბჭოებმა ნამდვილი ვადამწყვეტი ღონისძიებანი უნდა მიიღონ ნათესების ფართო კონტრაქტაციის ჩატარებისათვის ბუღდობითი მეთოდით, მთელი საადგილმამულო საზოგადოებების კონტრაქტაციით მოსაცავად, რაც ვაძლიერებს გლეხთა ფართო მასების საწარმოო კოოპერირებას და ხელს შეუწყობს სამხარეო გეგმის სავსებით შესრულებას; ამასთანავე, კონტრაქტაცია აუცილებლად უნდა დაეკავშიროს მანქანებით და თესლით მომარაგების საქმეს და განხორციელებულ იქნეს უმარტივესი აგროღონისძიებანი—ამ ღონისძიებათა ხელშეკრულობებში შეტანით.

3. უნდა აღინიშნოს, რომ ა/კსტსრ-ში არსებული სამანქანო-სატრაქტორო სადგურები მეტისმეტად არადამაკმაყოფილებელ მდგომარეობაშია და არავითარი გარანტია არ არის, რომ ეს სადგურები შეასრულებენ მათთვის დაკისრებულ პასუხსაგებ ამოცანებს; ამის გამო წინადადება მიეცეს ტრაქტორცენტრის ამიერკავკასიის განყოფილებას გააძლიეროს სამანქანო-სატრაქტორო სადგურებისათვის ხელმძღვანელობის გაწევა და სავსებით შეასრულებინოს მათ საშემოდგომო თესვის კამპანიის გეგმები.



4. წინადადება მიეცეს სრულიად საკავშირო სასოფლო-სამეურნეო კოოპერატიულ-საკოლმეურნეო ბანკის ამიერკავკასიის კონტორას შეამოწმოს, მიღწეულია თუ არა დაკრედიტების გეგმა რაიონებამდე, და უზრუნველჰყოს დაუყოვნებელი გაცემა კრედიტებისა საშემოდგომო თესვის კამპანიის პრაქტიკულ ღონისძიებათა განსახორციელებლად.

5. წინადადება მიეცეს საადგილმამულო და საკოლმეურნეო-კოოპერატიულ ორგანოებს:

ა) მოაწყონ თესლმშენდავი ქარაგნებისა და ცალკეული მანქანების მუშაობა დღე და ღამეში 20 საათს—საქმეში ადგილობრივი კომკავშირისა და პიონერების ჩაბმით;

ბ) დაამთავრონ თესლის მშრალი დაწამლვა არა უგვიანეს, ვიდრე ერთი კვირით ადრე თესვის დაწყებამდე;

გ) ხელუხლებელი სადამზღვევო სათესლე ფონდების შეგროვების დროს მტკიცედ დაიცვან კლასობრივი პრინციპი; სადამზღვევო სათესლე ფონდების შეგროვების გეგმა მიაწვდინონ ცალკეულ კომლამდე—თესლის სასოფლო ბელლებში ჩაბარების ვადისა და თესლის თვისების აღნიშვნით;

დ) მოაწყონ მასიური მასშტაბით სოფლად მუშათა სარემონტო ბრიგადების გზაგადასვლა და შემოიღონ კერძო სამკედლოების კონტრაქტაციის პრაქტიკა, რისთვისაც სარემონტოდ გამოჰყონ საჭირო რაოდენობის ლითონი და ნახშირი;

ე) უზრუნველჰყონ სათესი მანქანების მაქსიმალური გამოყენება და მათი შეუწყვეტელი მუშაობა 20 საათის განმავლობაში დღე-ღამე.

6. დაევალოს ა/კსფსრ მიწათმოქმედების სახალხო კომისარიატს, ამიერკავკასიის კოლექტიურ მეურნეობათა ცენტრს და ამიერკავკასიის სას.-სამ. კოოპ. ამხანაგობათა კავშირს, აგრეთვე სათანადო რესპუბლიკანურ ორგანიზაციებს—დაამყარონ სისტემატიური კონტროლი და მუდმივი ხელმძღვანელობა ადგილებზე საშემოდგომო თესვის კამპანიის პრაქტიკულ ღონისძიებათა განხორციელებისათვის.

ა/კსფსრ სახალხო კომისარიატის საბჭოს

თავმჯდომარის მოადგილე მ. ეგიაზარიანი.

ა/კსფსრ სახალხო კომისარიატის საბჭოს

საქმეთა მმართველის თან. დრ. აღმ. ა. ბანავიჩი.

გამოქვეყნებულია „ზარია ვოსტოკა“-ს 269 №-ში 1930 წ. ოქტომბრის 5-ს.